

*Questa poesia, "una deghina glossa" suggerisce Tore Patatu, è stata pubblicata alle pagine 57-58 del volume "Rosas e ispinas de Baldedu", edizioni Ivo Melis, Cagliari 1992. La riproponiamo anche in edizione sonora, armonizzata da padre Pinuccio Solinas ed eseguita dal coro di Macomer, nella versione fornitaci da Francesco Brundu, che ringraziamo. Per ascoltare il canto, cliccare sul triangolino nero qui sotto, a sinistra.*

{mgmediabot2}path=images/stories/media/bainzutruddaju/truddaiubainzu\_ochiterrabeniesona\_small.mp3|type=mp3|buffer=8|displayheight=0|image=images/stories/fruit/pears.jpg|autoplay=false|width=250|height=18{/mgmediabot2}

O chiterra, beni e sona  
cun cussas cordas de oro,  
chi cant'eo a bonu coro  
pagas boghes de s'Anglona.

Sona chiterra, accordada



de s'antiga melodia,  
sona chi columba mia  
isettat sa serenada  
in custas notte isteddata  
senza nues, senza 'entu:  
ajò, dêmus su cuntentu  
a columba cara e bona!

Cun cussas cordas de oro,  
o chiterra, beni e sona!

Sona bella che a prima,  
che simmai t'hapo intesu,  
chi su respiru hat suspesu  
sa chi troppu m'hat istima,  
gai intendet una rima  
tra sas bellas notas tuas.  
Sona chi pius de duas  
boltas mi narat "tesoro":  
o chiterra, beni e sona  
cun cussas cordas de oro!

Ecco su sonu donosu,  
cominzo puru a cantare:  
"Podes columba iscultare  
cust'innu melodiosu  
in su magicu riposu  
de su lettu, in sos consolos  
de sos candidos lentolos  
chi ti faghene corona!".  
Cun cussas cordas de oro,  
o chiterra, beni e sona!

Sas istellas cun sa luna  
mandan sa lughe a sa terra.  
Deo a sonu 'e chiterra  
luna bella nde cant'una  
e calchi fera est dejuna  
isettende a fagher die;  
però deo, affacca a tie,  
s'affettu tou assaboro!".  
O chiterra, beni e sona  
cun cussas cordas de oro!